

## DECRETUM PRO HISPANIA.

**O**MNES Christi fideles degentes in Regnis et Dominiis Regi Catholico Hispaniarum subjectis, qui ad Horas Canonicas tenentur, recitare debent Officium et Missam SS. Corporis Christi singulis diebus ejus Octavæ, translato quolibet festo occurrente, ex concess. Pii Papæ VI. die 5 Martii 1776, exceptis tantum festivitibus Nativitatis S. Joannis Baptistæ, et SS. Apostolorum Petri et Pauli, ex declaratione ejusdem Summi Pontificis 16 Decembris 1796.

## FESTA SANCTORUM

### QUÆ IN HISPANIA

celebrantur et occurrere possunt infra Octavam SS. Corporis Christi.

#### DIE XXII. MAJI.

B. Ritæ de Cassia, Viduæ.  
Duplex.

Omnia de Comm. nec Virg. nec Mart(161) præter sequentia.

Ad Vesperas.

Capitulum. *Cant.* 23.

**E**go flos campi, et lilium convallium. Sicut lilium inter spinas, sic amica mea inter filias. Jam hyems transiit, imber abiit, et recessit. Flores apparuerunt in terra nostra.

*Hymnus.*

**S**olis obliquum peragrata gyrum,  
Lux adest hymnis recolenda lætis,  
Quæ fuit Ritæ meritis vetusto  
More dicata.



**P**rodit ut primum genitrícis alvo  
Agmen hyblæum vólitans per  
ora,

Mox locutúram cécinít puéllam  
Méllea verba.

**C**ónjugis sævi resolúta vinclis,  
Vírignes inter Dómino sacrátas  
Optat ascribi : víduæ negátur  
Tángere limen.

**C**ompos at voti, súperis patrónis,  
Dum cruci affixum Dóminum  
precátur,

Cæditur spina: simul illa languet  
Sáucia fronte.

**D**um rigent brumæ, rosa verna  
floret

Ad tuos nutus, gemínosque fici  
Próferunt fructus; célebrant stu-  
péntes

Monstra soróres.

**I**lla jam pergit rútilans ad astra,  
Plaudit Hispánus, Padus, Indus,  
Umber,

Corpus intáctum récolens per  
annos

Súpplíce voto.

**T**rínitas omni celebrétur ævo,  
Quam fides trinum docet esse, et  
unum

Numen, et Rita tríbuat precánte  
Próspera cuncta.

Amen.

✠. Signásti, Dómine, fámulam  
tuam Ritam. ✠. Signo caritátis,  
et passiónis tuæ.

**Ad Magnificat, Aña.** Fulcíte  
me flóribus, stipáte me malis,  
quia amóre lángueo.

**Oratio.**

**D**EUS, qui Beátæ Ritæ tantam  
grátiam conférre dignátus es,  
ut quæ te in dilectióne inimicó-  
rum suórum imitáta est, in cor-  
de, et fronte caritátis et passió-  
nis tuæ signa portáret; da nobis,  
quæsumus, ejus intercessióne et  
méritis, inimicos nostros dilige-  
re, et tuæ passiónis dolóres spi-  
na compunctiónis júgiter con-  
templári. Qui vivis.

**Ad Matutinum, Hymnus ut in  
Vesperis.**



In j. Nocturno Lectiones de  
Scriptura occurrente.

In secundo Nocturno.

Lectio iv.

**R**ITA Rocchæ Porrænæ Cássia  
oppídulo in Umbria, honéstis  
ac piis paréntibus nata, dum in-  
fántula jacéret in cunis, plúries  
agmen albárum apum os ejus ín-  
gredi, atque égredi visum est. Ab  
ineúnte ætáte illústria dedit vir-  
tútum exémpla. Etenim pueríles  
lusus et inánes curas réspuens,  
solitúdine et oratióibus mirífice  
delectabátur. Duódecim annos  
nata, virginitátem Deo sacráre  
constítuit; sed ne paréntum vo-  
luntáti adversarétur, viro ingé-  
nio præferóci ac móribus tétrico  
nupsit: cujus asperitátem ea  
mansuetúdine tulit, ut per annos  
duodeviginti concórditer víxe-  
rint. Maríto ab inimícis interém-  
pto, non solum pro interfectóri-  
bus Deum orábat: sed étiam  
duóbus adolescéntulis, quos ex

eo genúerat, ut patérnæ cædis  
memóriam abolérent, suadébat.  
Cum autem eósdem vindictæ cú-  
pidos cognovísset, Deum precáta  
est, ut eos cítius e vita eríperet,  
ne concéptam patérnæ cædis ul-  
tiónem explérent. His autem de-  
fúntis, a sacris Virgínibus Or-  
dinis sancti Augustíni, multis  
cum lácrymis hábitum religió-  
sum postulávit.

¶. Propter veritátem.

Lectio v.

**A**B illis autem quod solas vírgi-  
nes recípere mos esset, ter  
repúlsam passa, non multo post  
voti compos divínitus effécta est.  
Nam quadam nocte, dum oratió-  
ni vacáret, a sancto Joáinne Ba-  
ptísta, quem sibi Patrónum in  
primis elégerat, vocáta; ac eum  
per abrúpta móntium sequi jus-  
sa, beáto Patre Augustíno, et Ni-  
coláo Tolentináte comitántibus,  
in cœnóbium mirábiliter intro-  
ducta, a virgínibus miráculo per-



mótiſ, benígne ſuſcépta eſt. Re igitur familiári divéndita, ac prétió in páuperes erogáto, monaſtérium ipſum ingréditur: ubi corpus vigíliis, cilício, ſpinis, quas túnicae attexúerat, crebrís- que flagéllis in ſervitútem rédi- gens, cibum ſemel in die ſumé- bat, ſolo pane et aqua conténta. Obediéntiæ inſígne præbuit ex- émplum, cum Antíſtitaé juſſu áridum lignum irrigáre non du- bitávit. Oratióni júgiter vacábat; Chriſtíque Dómini cruciátus a média nocte uſque ad ſolis or- tum, tanto mentis ardóre, tantá- que lacrymárum vi meditabátur, ut præ dolóris magnitúdine pene cónfici viderétur.

*R.* Dilexiſti juſtítiam.

*Lectio vj.*

**Q**UADAM die, cum ad Chriſti e Cruce pendéntis imáginem inténsius oráret, ſpina e Crucifi- xi Coróna in fronte ita tranſfixa eſt, ut inſanábile vulnus uſque

ad mortem pertúlerit: ex quo præter acerbíſſimum dolóris ſen- ſum, foeda ſánies exhalábat. Unde ne ſoróribus náuseam movéret, ſolitária cum Deo verſabátur. Sed anno ſæculári Romam cum cæteris ſoróribus ab Antíſtita, propter úlceris deformitátem ire vétita, repénte abſtérſo vúlnerē conváluit; quod tamen, revérſa domum, íterum erúpit. Poſt áli- quot annos gravi morbo corré- pta, ipſum quadriénno patien- tiſſime tolerávit: quo témpore vernans roſa ex hórtulo aspérri- ma hyeme, atque duæ recentíſſi- mæ ficus ei allátæ ſunt. Morti jam próxima, Chriſtum Dómi- num una cum beáta Vírgine ad coeléstia regna ſe vocánte audívit; atque ita ſuſcéptis ómnibus Ec- clésiæ ſacraméntis, anno poſt Chriſtum natum millésimo qua- dringentésimo quadragésimo tér- tio, undécimo Kaléndas Júnii obdormívit in Dómino. Corpus



ejus usque ad hanc diem incorruptum, suavissimo odore fragrans, pie colitur. Eam miraculis ante et post obitum conspicuam, Urbanus octavus in Beatorum numerum retulit.

**R.** Fallax gratia.

**In iij. Nocturno Homilia in Evang.** Simile est regnum celorum thesauro, **ut in Comm. non Virg.** (164)

**AD LAUDES.**

**Capitulum.** Ego flos campi, **ut in Vesperis.**

**Hymnus.**

**A**DESTE, castæ virgines  
Adeste, sanctæ conjuges;  
Tellus, et astra meritis,  
Ritæ resúltent laudibus.  
Corpus domat jejuniis,  
Carnem flagellis conterit,  
Christi dolóri condolens,  
Noctes, diésque tránsigit.  
Spina supérne cæditur,  
Rosis virétum purpurat,  
Arbústa ficus próferunt

Ad vota Ritæ prótinus.  
Per quos gradus cœlum petit,  
Hac ire vos omnes docet,  
Junctæ jugáli vínculo,  
Et vos solútæ conjuges.  
**Sit laus Patri, laus Fílio,**  
Tibique, sancte Spíritus,  
Concéde Ritæ méritis  
Ætérna nobis gáudia. Amen.

**v.** Prævenisti eam, Dómine, in benedictionibus dulcédinis. **R.** Posuisti in cápite ejus corónam de lapide pretiósó.

**Ad Benedictus, Aña.** Ficus prótulit grossos suos: vineæ floréntes dedérunt odórem suum: surge, amíca mea, speciósá mea, et veni.

**In ij. Vesperis Capitulum, Psalmi, xv. et Hymnus ut in j. Vesperis.**

**Ad Magnificat, Aña.** Egredimini, et vidéte, Fíliæ Sion, Ritam in diadémate, quo coronávit eam Christus in die desponsationis illius, et in die lætitiæ cordis ejus.